

Republika e Shqiperise
Enti Rregullator i Energjise

LICENSE
PER VEPRIMTARINE E TREGETIMIT TE ENERGJISE ELEKTRIKE

Seria: _____

Numri i Licenses: _____

Data e Hyrjes ne Fuqi: _____
(Vendim i ERE-s, Nr. _____, date __. __. __)

Licensa i jepet: _____
(Emri dhe adresa)

Kodi fiskal: _____

Me autoritetin qe i eshte dhene sipas Pjeses se Trete te Ligjit nr. 9072, date 22.05.2003 "Per Sektorin e Energjise Elektrike", te ndryshuar, Enti Rregullator i Energjise ("ERE") i jep kete License ("Licensa"), per kryerjen e veprimtarise se tregtimit te energjise elektrike personit fizik/juridik te lart-permendur, i quajtur "I Licensuari", subjekt i Kushteve te Licenses. Kjo License hyn ne fuqi ne daten e mesiperme dhe do te vazhdoje te mbetet ne fuqi per nje periudhe () vjeçare, deri sa te perfundohet apo te hiqet nga ERE ne perputhje me kushtet e Licenses te perfshira ketu dhe legjislacionit ne fuqi.

[Kryetari]

[Vula e ERE-s]

KUSHTET E LICENSES
Per
VEPRIMTARINE E TREGETIMIT TE ENERGJISE ELEKTRIKE

Seria: **T09P**

Numri i Liçencës: **75**

Liçenca i jepet : **”Enpower Albania” sh.p.k.**

Dispozita te Pergjithshme

- 1.1** ERE-ja eshte autoriteti i vetem ne Republiken e Shqiperise, i njohur sipas Pjeses se Trete te ligjit nr. 9072, date 22.05.2003 “Per Sektorin e Energjise Elektrike”, te ndryshuar qe leshon dhe deklaron hyrjen ne fuqi te kesaj License.
- 1.2** Nese ndonje kusht i kesaj License pushon se qeni efektiv, ai kusht do te hiqet nga Kushtet e Licenses dhe Kushtet e mbetura do te vazhdojne te jene ne fuqi.
- 1.3** Kjo License, nuk do t’i transferohet teresisht ose pjeserisht, asnje Personi tjetër pa miratimin paraprak me shkrim te ERE-s. Kur miraton nje transferim, ERE mund ta modifikojë periudhen e Licenses ose Kushtet e tjera te Licenses kur interesi publik kerkont modifikime te tilla. Nese modifikimet do te kerkohen, ERE do te deklaroje arsyet me shkrim dhe do tu jape paleve mundesine per te prezantuar arsyet perse kushtet nuk duhet te imponohen.
- 1.4** ERE ndryshon Licensen ne perputhje me nenin 19 te Ligjit per Sektorin e Energjise Elektrike, si dhe ne rastet e meposhteme,
 - a.** nevojës per te garantuar qendrushmerine dhe furnizimin e pandërprere me energji elektrike te klienteve;
 - b.** rrezikut per jeten e qytetareve ose per demtimin e shendetit te tyre, si dhe demtimin e mjedisit ose demtimi i pasurise se paleve te treta, kur rreziku nuk kerkon heqjen e Licenses;
 - c.** ne License eshte bere nje gabim i qarte faktik;
- 1.5** I Licensuari mund te kerkoje nje modifikim te kesaj License nepermjet nje kerkese te detajuar me shkrim qe duhet te permbaje nje justifikim per modifikimin e kerkuar. ERE miraton amendamentet e kerkuara pervec se ne raste kur amendamentet do te rezultojne ne nivele te uleta sherbimi ose cmime te larta te cilat jane te paarsyeshme nen kendveshtrimin e kushteve te tregut. Ne cdo rast ERE do te kryej nje procedure modifikimi sipas nenit 19 te Ligjit nr.9072 date 22.05.2003 “Per Sektorin e Energjise Elektrike” te ndryshuar.

- 1.6** I Licensuari mund t'i parashtroje ERE-s nje kerkese me shkrim per rinovimin e Licenses jo me pak se 6 muaj para perfundimit te afatit te Licenses se dhene. Afati i Licenses mund te zgjatet kur Bordi, bazuar ne Ligjin nr.9072 date 22.05.2003 " Per sektorin e energjise elektrike" te ndryshuar, Rregulloren per procedurat e licensimit dhe ne prova te besueshme, konkludon se i Licensuari i ka permbushur kushtet e Licenses dhe i eshte permbajtur kerkesave te gjithe legjislacionit ne fuqi gjate afatit te licenses.
- 1.7** Fjalet dhe frazat e meposhtme te perdorura ne License, ne Kushtet e Licenses dhe ne Shtojca, do te kene kuptimin e meposhtem:

Sherbimet Ndhimese	Gjithe sherbimet e nevojshme per operimin e sistemit te transmetimit dhe shperndarjes.
Biznesi Shoqerues	Çdo biznes qe direkt ose indirekt, teresisht ose pjeserisht: 1. zoterohet nga i Licensuari; ose 2. zoteron te Licensuarin; ose 3. zoterohet nga nje Person qe zoterohet nga i Licensuari.
Ligjit Nr.9072 Date 22.05.2003“Per Sektorin e Energjise Elektrike”	Do te thote ky ligj me te gjitha ndryshimet e ndodhura apo qe mund te ndodhin ne te ardhmen e qe ne vijim do te perdoret shkurtimisht me emertimin Ligji per Energjine.
Ndersubvencionet	Transferimi i fondeve ose alokimi i kostove brenda llogarive te te Licensuarit ose mes Bizneseve Shoqerues per mbeshtetje financiare te nje veprimtarie ose biznesi me shpenzimet e nje tjetri.
Energjia Elektrike	Energjia elektrike dhe kapaciteti elektrik, pervec kur konteksti e kerkon ndryshe.
Tregtues	Eshte nje person i licensuar (subjekt privat vendas ose i huaj) qe blen dhe shet energji elektrike me shumice me perjashtim te shitjes tek furnizuesi publik me pakice dhe klientet fundore
Klient Tarifor	Nje person qe blen energji elektrike nga Furnizuesi Publik me Pakice me tarifa te miratuara nga ERE. Te gjithë personat qe blejne energji elektrike dhe qe nuk jane Kliente te Kualifikuar jane Kliente Tarifore.
Klienti i Kualifikuar	Nje klient qe ka te drejten, sipas legjislacionit ne fuqi ose rregulloreve te ERE-s, te zgjedhe furnizuesin e energjise elektrike te perdorur per nevojat e tij.
ERE	Do te thote Enti Rregullator i Energjise, baza ligjore per ushtrimin e pergjegjesive te te cilit parashikohet ne ligjin nr.9072 dt.22.05.2003 “Per sektorin e energjise elektrike” i ndryshuar dhe dhe Ligjit Nr.9946 dt.30.06.2008 “Per Sektorin e Gazit Natyror”.
Legjislacioni ne Fuqi	Ligjet e Republikes se Shqiperise te shpallura nga Kuvendi Shqiptar dhe qe jane ne fuqi gjate periudhes se kesaj License si dhe cdo akt nenligjor i nxjerr ne zbatim te ligjit.
I Licensuari	Personi qe mban kete license per veprimtarine e tregetimit te energjise elektrike qe permendet ne faqen e pare te kesaj License.
Veprimtaria e licencuar	Veprimtarite e lejuara nga kjo license dhe legjislacioni ne fuqi

	<p>qe rregullon tregtimin e energjise elektrike Brenda territorit te Republikës së Shqipërisë dhe zonat jashte territorit të Republikës së Shqipërisë.</p>
Marrëveshje të shitblerjes së energjisë elektrike	<p>Kontratë e nënshkruar për shitblerjen e energjisë elektrike, e lidhur midis një të licencuari dhe një subjekti tjetër sipas percaktimeve te Modelit dhe Rregullave te Tregut.</p>
Personi	<p>Person do te thote çdo person fizik ose juridik</p>
Furnizuesi i Kualifikuar (FK)	<p>Nje Person qe ka te drejten te furnizojë me energji elektrike Klientet e Kualifikuar siç percaktohet nga Legjislacioni ne Fuqi dhe Rregullat e ERE-s.</p>
Tarifa e Rregulluar	<p>Nje tarife aktualisht ne fuqi dhe e miratuar nga ERE sipas Legjislacionit ne Fuqi dhe Rregullave te ERE-s.</p>
Rregulloret dhe Rregullat	<p>Standardet, kodet, rregulloret, urdhrat dhe rekomandime te tjera ligjerisht ne fuqi te miratuara nga ERE.</p>
Prodhuesi i Vogel i Energjise Elektrike (PVE)	<p>Prodhues i energjise elektrike nga nje central i lidhur me Rrjetin e Shperndarjes.</p>
Transferimi	<p>Transferim do te thote çdo shitje, dhenie me qira ose ndonje transakcion tjetër, teresisht ose pjeserisht, i se drejtes per t'u angazhuar ne Veprimtarine e Licensuar.</p>
Operatori i Sistemit te Transmetimit (OST)	<p>Personi i Licensuar pergjegjes per veprimtarite e transmetimit dhe dispeçerimit dhe procesin e kontrollit te operimit te impianteve gjeneruese dhe faciliteteve te tjera te industrise se energjise dhe burimeve per sigurimin e qendrueshmerise se sistemit, sigurise, operimit te sigurt dhe eficient te sistemit elektroenergetik.</p>
Operatori i Sistemit te Shperndarjes (OSSH)	<p>Do te thote nje person fizik ose juridik pergjegjes per operimin, sigurimin e mirembajtjes dhe nese eshte e nevojshme zhvillimin e sistemit te shperndarjes ne nje zone te caktuar, kur eshte e pershtateshme, interkonjeksionin e saj me sistemet e tjera dhe per sigurimin e aftesive afatgjata te sistemit per te arritur kerkesa te arsyeshme per shperndarjen e energjise elektrike.</p>
Prodhues i Pavaruar Energjise (PPE)	<p>Do te thote prodhues i pavarur i energjisë elektrike i lidhur ne sistemin e transmetimit te energjise elektrike. Te gjithë prodhuesit shqiptare pervec kompanise publike gjeneruese jane PPE.</p>

Sistemi elektroenergjetik	Një sistem i ndërlidhur që përbëhet nga centrale gjenerimi të energjisë elektrike, linja, nënstacione dhe elemente të tjera për transmetimin dhe shpërndarjen e energjisë elektrike tek konsumatori.
Tregtimi	Lëvizja e fluksit të energjisë elektrike nga impiante ose instalime elektrike të një subjekti, në impiante ose instalime elektrike të një subjekti tjetër, në përputhje me marrëveshjet e lidhura nga i licencuari për shitblerjen dhe transmetimin e energjisë elektrike me qëllim shitjen të licencuarit e tjerë.
Veprimtaria dispeçerues	Operimi i sistemit elektroenergjetik me qëllim mbajtjen e balances se gjenerimit, import/eksportit dhe konsumit të energjisë elektrike në nivel kombëtar duke garantuar sigurinë dhe mbrojtjen e sistemit.
Forca Madhore	është një ngjarje ose një akt natyror ose shoqëror që ndodh në vend, si tërmetet, ciklonet, rrufetë, përmytjet, shpërthimet vullkanike, zjarret, lufta, konfliktet e armatosura, kryengritjet, aktet terroriste, të cilat pengojnë të licencuarin të përmbushë detyrimet e tij sipas licencës, si dhe akte ose ngjarje të tjera, të cilat janë jashtë kontrollit të mundshëm të të licencuarit dhe nuk ndodhin për faj të tij dhe i licencuari nuk është në gjendje t'i eliminojë ato, edhe pse ka ushtruar siç duhet aftësitë, përpjekjet dhe kujdesin e tij.

2 Kryerja e Veprimtarisë së Licencuar

- 2.1 I Licencuari autorizohet nga kjo License për kryerjen e Veprimtarisë së Licencuar.
- 2.2 I Licencuari nuk duhet të bashkëpunojë në asnjë mënyrë me të Licencuar të tjerë lidhur me Veprimtarinë e Licencuar në dem të tregtuesve, furnizuesve ose klienteve dhe përdoruesve ekzistues ose të mundshëm.
- 2.3 I Licencuari nuk duhet të angazhohet në kryerjen e veprimeve ose në ndonjë aktivitet tjetër që përben sjellje anti-konkurrese sipas Legjislacionit në Fuqi.
- 2.4 I Licencuari nuk duhet të angazhohet në veprimtari të tjera, që pengojnë ose mund të pengojnë kryerjen si duhet të Veprimtarisë së Licencuar. I Licencuari do të njoftojë ERE-n para se të ndermarre ndonjë veprimtari, përveç Veprimtarisë së Licencuar.
- 2.5 I Licencuari nuk duhet të pengojë, parandalojë ose të perpiqet të parandalojë të Licencuar të tjerë apo konkurrues potenciale që të angazhohen ligjrisht ose të hyjnë në biznesin e energjisë elektrike në Republikën e Shqipërisë.

- 2.6** Gjithë marrëveshjet e shitblerjes së energjisë elektrike duhet të përputhen me legjislacionin ne fuqi per aq sa kerkohet.
- 2.7** Te gjitha marreveshjet do te jene objekt monitorimi nga ERE per te siguruar funksionimin sic duhet te tregut dhe se te licensuarit nuk ushtrojne ndikim mbi tregun duke ndjekur praktika te padrejta dhe qe shmangin konkurrencen.
- 2.8** I licensuari ka te drejte te bleje energjise elektrike nga PVE, PPE, surpluset nga KESH-Gen, pjesmarresit e tjere te tregut te energjise elektrike sipas legjislacionit ne fuqi si dhe jashte territorit te Republikes se Shqiperise
- 2.9** I licensuari mund ti shese energji elektrike Furnizuesve te Kualifikuar, Furnizuesit Publik me Shumice, OSSH, pjesmarresve te tjere te tregut te energjise elektrike sipas legjislacionit ne fuqi si dhe jashte territorit te Republikes se Shqiperise.

3 Detyrimet e te Licensuarit

- 3.1** I Licensuari do te respektoje Legjislacionin ne Fuqi gjate ushtrimit te funksioneve sipas kesaj license.
- 3.2** I licensuari do te ndermarre masat e nevojshme per garantimin e aftesive teknike dhe financiare per kryerjen e aktivitetit te licensuar
- 3.3** I licensuari do te regjistrohet si pjesmarres i tregut shqiptar te energjise elektrike prane OST sipas procedurave te regjistrimit dhe do te zbatoje rregullat e tregut shqiptar te energjise elektrike te miratuara nga ERE.
- 3.4** I Licensuari do te permbushe gjithe Rregullat e Operatorit te Sistemit te Transmetimit te miratuara nga ERE, perfshire zbatimin e gjithe urdhrave operative, udhezimeve si dhe paraqitjen e informacionit teknik dhe gjithe dokumentacionit tjeter sipas kerkesave te Kodit te Rrjetit dhe Rregullave te Tregut.
- 3.5** Llogarite dhe Raportimi
 - 3.5.1** I Licensuari do te mbaje regjistra llogarie dhe do te pergatise pasqyra financiare, qe do te mbahen me vete per Veprimtarine e Licensuar dhe çdo veprimtari tjeter (perfshire veprimtari te tjera te Licensuara) ku eshte angazhuar i Licensuari, sipas rregullave financiare dhe procedurave te miratuara nga ERE dhe sipas ligjit nr. 9228, date 29.04.2004, "Per kontabilitetin dhe pasqyrat financiare" i ndryshuar, neneve 21, 23 dhe 33 te Ligjit nr. 9072, date 22.05.2003 "Per Sektorin e Energjise Elektrike", te ndryshuar, dhe parimeve nderkombetare financiare. I Licensuari do t'i paraqese ERE-s raportin financiar vjetor ne 30 qershor te çdo viti.

3.5.2 Te Licensuarit i kerkohet te pergatise dhe t'i paraqese ERE-s ne 31 janar te çdo viti, nje raport vjetor lidhur me operimet e tij gjate vitit te meparshem kalendarik, qe permban sa me poshte:

- a) një përmbledhje dhe analizë të operimit ne veprimtarine e licencuar,
- b) sasinë e energjisë së tregtuar, si dhe çmimin e blerjes dhe shitjes së energjisë,
- c) Cmimin e ngarkuar dhe/ose paguar per cdo kontrate

3.5.3 I Licensuari do t'i paraqese ERE-s, me kerkesen e saj dhe sipas formes dhe brenda kohes se vendosur nga ERE, çdo informacion qe eshte i domosdoshem per ERE-n per te kryer pergjegjesite e saj rregullatore te autorizuar.

3.5.4 I Licensuari do ta njoftoje ERE-n brenda 10 diteve per çdo ndryshim te:

- a) Adreses;
- b) Statutit te te Licensuarit;
- c) Certifikates se regjistrimit;
- d) Kodit fiskal;
- e) Administratoret;
- f) Identitetin e aksionereve qe zotrojne me shume se 5% te aksioneve;
- g) Cdo rritje te pronesis se cdo individi ose subjekti me me teper se 5% ne cdo vit

3.5.5 Gjithe njoftimet zyrtare, aplikimet, peticionet dhe pretendimet qe lidhen me Licensen duhet te jene me shkrim, te ekzekutohen ne kohen e duhur nga nje zyrtar i autorizuar ose nje perfaqesues i zgjedhur i te Licensuarit ose ERE-s, perkatesisht, dhe te shperndahen me korrier ose me poste te regjistruar, duke kerkuar verifikimin e fatures. Adresat e Paleve duhet te duken mbi zarf. Te gjitha njoftimet ose korrespondenca tjeter do te konsiderohen se hyjne ne fuqi nga momenti i shperndarjes ose, nese nuk jane shperndare per shkak te gabimit te derguesit, nga momenti i paraqitjes.

3.6 Perdorimi i Informacionit

3.6.1 Sipas Ligjit te Energjise Elektrike, Kodit te Transmetimit, Kodit te Shperndarjes, Rregullave te Tregut dhe kerkesave te rregulloreve perkatese, I Licensuari do te siguroje qe çdo informacion i marre nga te tjeret si rezultat i Veprimtarise te tij te Licensuar nuk do t'i jepet askujt, perveç:

- a) me pelqimin paraprak me shkrim te Personit me çeshtjet e te cilit lidhet informacioni;
- b) kur informacioni eshte tashme i njohur per publikun;
- c) kur te Licensuarit i kerkohet ose i lejohet ta perhape informacionin per te permbushur Kushtet e kesaj License, çdo urdher te ERE-s, dhe Legjislacionit ne Fuqi.

3.6.2 Me kerkesen e ERE-s, i Licensuari do te ndermarre çdo hap te nevojshem per ta mbrojtur informacionin konfidencial qe posedon dhe do t'i paraqese ERE-s

raporte qe lidhen me respektimin e detyrimeve te parashikuara ne Paragrafet 3.6.1 dhe 3.6.2.

3.6.3 Informacioni qe i sigurohet ERE-s nga i Licensuari do te konsiderohet publik pervec, kur me kerkese te vecante te te Licensuarit, ERE me vendim siguron se ky informacion eshte i natyres konfidenciale dhe se interesi publik te cilit i sherbehet nga perhapja e tij nuk do ta justifikojte ose kompensoje demin komercial potencial ndaj te Licensuarit.

3.7 Pagesat e Rregullimit

3.7.1 I Licensuari do te paguaje rregullisht dhe ne menyre te vazhdueshme pagesat e rregullimit gjate kohezgjatjes se kesaj License siç percaktohet nga ERE, sipas Nenit 12 te Ligjit nr. 9072, date 22.05.2003 “Per Sektorin e Energjise Elektrike” te ndryshuar dhe rregulloreve te ERE-s.

3.7.2 Nese i Licensuari nuk i paguan ERE-s pagesat e rregullimit sipas paragrafit 3.7.1 brenda periudhes se kerkuar nga ERE, i Licensuari do te penalizohet sipas Nenit 64 te Ligjit nr. 9072, date 22.05.2003 “Per Sektorin e Energjise Elektrike” te ndryshuar.

4 Monitorimi dhe Kontrollat mbi Performancen e Veprimtarise se Licensuar

4.1 ERE do te monitoroje respektimin nga i Licensuari te Kushteve te Licenses, do te rishikojte raportet e marra nga i Licensuari dhe eshte e autorizuar qe te inspektojte ne çdo kohe regjistrat financiare te te Licensuarit dhe mund te kerkoje nje auditim teknik dhe/ose financiar te veprimtarive te te Licensuarit.

4.2 Perfaqesuesit e autorizuar te ERE-s mund te hyjne ne ambientet, pajisjet dhe dokumentet e te Licensuarit per te inspektuar Veprimtarine e Licensuar sipas Rregullave te ERE-s. I Licensuari do te jape çdo ndihme te kerkuar nga ERE gjate ketij inspektimi.

4.3 Ne baze te ankeses se konfirmuar te çdo pale te trete ose me vete iniciativen e vet, ERE mund te nise nje hetim per respektimin nga i Licensuari te Kushteve te Licenses ose Rregullave te ERE-s.

4.4 Nese pas hetimit, ERE konkludon se i Licensuari nuk i ka respektuar Kushtet e Licenses, ERE mund t’i rishikojte vlefshmerine e Licenses dhe/ose te ndermarre veprime te tjera brenda autoritetit te saj me qellim qe te mbroje interesat e perdoruesve dhe klienteve ose te siguroje permbushjen e afateve dhe kushteve te kesaj License.

4.5 I Licensuari do ta informoje dhe sqaroje ERE-n per çdo shkelje te Kushteve te Licenses, jo me vone se nje jave pasi kjo shkelje i behet e njohur te licensuarit.

4.6 I Licensuari do t’u bindet vendimeve te nxjerra nga ERE, perfshire pagesat e gjobave te vena nga ERE, sipas Legjislacionit ne Fuqi.

5 Heqja e Licenses

- 5.1** ERE mund ta heq Licensen sipas ligjit nr.9072, date 22.05.2003 “Per Sektorin e Energjise Elektrike” te ndryshuar dhe procedurave te percaktuara ne rregullat e ERE-s kur:
- a) I Licensuari kerkon heqjen e Licenses;
 - b) I Licensuari shkel Kushtet e kesaj License perfshire mospagesen e pageses se rregullimit;
 - c) I Licensuari shkel Legjislacionin ne Fuqi;
 - d) I Licensuari deklarohet i falimentuar dhe eshte i paafte te permbushe detyrimet sipas Kushteve te kesaj License.
 - e) I Licensuari e ka marre Licensen me mashtrim.
 - f) Mbaron afati i Licenses dhe licensa nuk eshte rinovuar; ose
 - g) Shkrihet personi qe mban Licensen.
- 5.2** Nese i Licensuari ndryshon statusin e tij ligjor ose aksioneri kryesor ndryshohet pa njoftuar ERE, Licensa behet e pavlefshme dhe anulohet dhe pasuesi i te Licensuarit do te aplikojte per nje License te re sipas procedures se ERE-s per dhenie License.
- 5.3** Kjo License mund te transferohet vetem me vendim me shkrim te ERE-s. Çdo vendim i ERE-s per ndonje transferim te kesaj License do te jete subjekt i gjykimit te ERE-s nese personi te cilit i transferohet licensa do te kete aftesine teknike dhe financiare per te plotesuar afatet dhe kushtet e kesaj License.
- 5.4** Çdo transferim i kesaj License pa miratimin paraprak te ERE-s do te konsiderohet i pavlefshem dhe do te perbeje nje shkelje te kesaj License.
- 5.5** Kur Licensa perfundon si pasoje e shkeljeve nga i Licensuari te kushteve te Licenses, i Licensuari do te pergjigjet per koston e qe i shakton ERE-s, dhe pjesemarrsve te tregut si rezultat i ketij perfundimi, siç percaktohet nga ERE, perfshire koston lidhur me transferimin e rregullt te Licenses tek nje i Licensuar i ri.
- 5.6** Kur ERE percakton se i Licensuari ka shkelur nje ose me shume kushte te Licenses, te Licensuarit do t’i jepet nje mundesi e arsyeshme per ta korrigjuar shkeljen para perfundimit te Licenses, pervec kur shkelja perfshin korrupsion ose pandershmeri te vertetuara nga organet me autoritetin perkates sipas ligjeve ne fuqi.

6 Situatat e Emergjences

- 6.1** I Licensuari nuk do te konsiderohet se ka shkelur kushtet e kesaj License ne rast se parandalohet ne permbushjen e tyre nga forca madhore ose rrethana te tjera emergjence.
- 6.2** Ne kushtet e emergjences, i Licensuari do te bashkepunoje me ERE dhe do te veproje ne perputhje me udhezimet e saj si dhe me legjislacionin ne fuqi.

6.3 Nëse i Licensuari e parashikon situatën e emergjencës siç përcaktohet nga Legjislacioni në Fuqi, i Licensuari do të njoftojë ERE-n brenda 24 orëve dhe ky njoftim do të përshkruajë se çfarë hapash do të marrë i Licensuari për të menjësuar ose përmirësuar ndikimet e situatës emergjente të parashikuar.

7 Zgjidhja e Mosmarreveshjeve dhe e Drejta për Apel

7.1 Çdo çështje e diskutueshme ose pretendim mes të Licensuarit dhe çdo pjesëmarrësi në treg lidhur me Kushtet e Licenses do të zgjidhet me mirëkuptim midis palëve ose sipas Legjislacionit në Fuqi.

7.2 Nëse zgjidhja nuk arrihet me mirëkuptim midis palëve, atëherë ERE në bazë të peticionit të çdo Personi që është palë në këtë mosmarreveshje, do të zgjidhet mosmarreveshjen dhe do të nxjerrë vendimin e saj sipas Legjislacionit në Fuqi.

7.3 I Licensuari mund t'i apelojë vendimet e ERE-s siç është legjislacioni në fuqi në Gjykatën e Rrethit Gjyqësor Tiranë brenda 30 ditëve nga publikimi i vendimeve në Fletoren Zyrtare.

7.4 I Licensuari duhet të zbatojë vendimet e ERE-s në pritje të shqyrtimit dhe deri në marrjen e vendimit të formës së prirë nga sistemi gjyqësor.

Republika e Shqiperise
Enti Rregullator i Energjise

LICENSE
Per
VEPRIMTARINE E TREGETIMIT TE ENERGJISE ELEKTRIKE

Seria: **T09P**

Numri i Liçencës: 75

Liçenca i jepet : ”Enpower Albania” sh.p.k.

Data e hyrjes ne fuqi te kesaj Shtojce: **Vendimi i Bordit të Komisionerëve të ERE-s
Nr. 8, dt.04.02.2009, Vendimi i Bordit te
Komisionereve te ERE-s Nr. 10, dt.20.02.2009**